

8. Ioane 14:6.
9. A hi'o Aberahama 3:2-28.
10. Aberahama 3:27.
11. A hi'o Luka 2.
12. A hi'o Luka 2:7.
13. 3 Nephi 27:29.
14. A hi'o Luka 10:21.
15. A hi'o Luka 11:2-4.
16. A hi'o 3 Nephi 17:11-24.
17. Moromona 6:17.
18. A hi'o Luka 4:1-13.
19. Ioane 6:67. A paraparau ai oia i te feia api i te matahiti i ma'iri a'e nei, ua parau te Peresideni Monson e: « E piihia outou no te paruru i te mea ta outou e ti'aturi nei. Mai te mea e, aita te aa o to outou iteraa papū i paari maitai, e mea fifi roa ia no outou ia pato'i i te tahitohitoraa a te feia e faaino mai nei i to outou faaroo » (Liahona, Me 2009, 126).
20. A hi'o Mareko 1:40-42.
21. A hi'o Luka 18:35-43.
22. A hi'o Mareko 6:34-44.
23. A hi'o Mareko 4:35-41.
24. A hi'o Ioane 11:8-53.
25. Moroni 7:37.
26. Mareko 5:36.
27. A hi'o 1 Petero 2:21-25.
28. A hi'o Luka 22:47-48; 23:32-46.
29. A hi'o Ioane 20:11-23.
30. A hi'o 3 Nephi 11-26.
31. A hi'o Iosepha Semita – Aamu 1:17.
32. A hi'o Te Parau Haapiiraa e te mau Parau Fafau 88:104.
33. "Raconte-moi les histoires de Jesus."
34. Mosia 3:17.
35. I te hoē taimē ua parau o Elder Dallin H. Oaks e: « I to'u tamariiriraa, e tai'o buka ta- 'u ohipa i te pō. Te hoē o ta'u mau buka au roa maori rā, *Hurlbut's Story of the Bible...* [e] buka 168 aamu no roto mai i te Bibilia. Ua au roa vau te reira mau aamu e e tai'o pinepine au i te reira » (« Bible Stories and Personal Protection », *Ensign*, Novema 1992, 37).
36. Stella Oaks, « Thy Will Be Done », i roto Leon R. Hartshorn, haaputuraa, *Remarkable Stories from the Lives of Latter-day Saint Women*, 2 o te buka. (1973-75), 2:184.
37. Alama 36:17-18.
38. I roto i to tatou ao i teie mahana e rahi atu to tatou hinaaro i te mau parau a Enosa no to'na metua tane « Ua haamana'o maite au i roto i tau aau i te mau parau ta'u i faaroo i te parau-pinepine-hia e to'u ra metua no te ora mure ore. Ua hiaai ihora tau aau, topa turi ihoira vau i mua i te aro o Tei Hamani ia'u ra » (Enosa 1:3-4).
39. Ua fafau te Peresideni Monson i te feia api e: « Mai te mea e, ua paari maitai to outou iteraa papū no te evanelia, no te Faaora, e no to tatou Metua i te Ao ra, na te reira e faauru i te mau mea atoa ta outou e rave i roto i to outou oraraa taatoa... Mai te mea e, e faaamu-tamau-hia to outou iteraa papū, na te reira e paruru ia outou » (*Liabona*, me 2009, 126).
40. Helamana 5:12.
41. Mosia 16:8.
42. Te Parau Haapiiraa e te mau Parau Fafau 21:5.
43. A hi'o Alama 26:12.



Na te Peresideni Thomas S. Monson

E parau i te opaniraa

Te faaama nei te fare mori a te Fatu i te mau tapa'o obie ia itebia e aita hoi te reira e mou.

Ua riro mau teie tuhaa pureraa opaniraa ei tuhaa nehenehe roa. E mea varavara roa to'u faarooraa i te mau a'oraa i haapiihia mai i roto i te tahi tau parau rii mai ta tatou i te iho nei i teie mahana. Tei ō nei tatou paatoa no te mea ua here tatou i te Fatu. Te hinaaro nei tatou e tavini ia'na. Te haamana'o mai nei to tatou Metua i te Ao ra ia tatou. Te faaite papū nei au i te reira. Te ite nei au i To'na rima i roto i te mau mea atoa.

Hoē irava iti poto noa:

« E ti'aturi ia Iehova ma to aau atoa; eiaha rā e ti'aturi i to oe ihora haapa'o.

« Eiaha e haamo'e ia'na i to oe atoa ra mau haerea, e na'na e faaite ia oe i to o era mau haerea ».¹

Tera te aamu o to'u oraraa.

E au mau taea'e e au mau tuahine here, ua tae tatou i te hopea o te hoē amuiraa nehenehe roa e te i i te faaururaa. I muri a'e i to tatou faarooraa i te a'o e te mau iteraa papū o te feia tei paraparau mai ia tatou, te ti'aturi nei au e, ua haamaitai-roa-hia tatou e ua rahi atu to tatou hinaaro papū ia ora i te mau parau tumu o te evanelia a Iesu Mesia. E mea au mau to tatou parahiraa i ō nei. Te faatae nei matou i to matou mauruuru i te taata tataihi tei paraparau mai ia tatou, e i te mau taata atoa tei horo'a i te mau pure.

E mea nehenehe roa te mau hime- ne. Haamana'o atura vau i te irava i ro- to i Te Parau Haapiiraa e te mau Parau





Fafau: « No te mea e e oaoa to to'u nei varua i te himene o te aau oia ia, ua riro te himene o te feia parau ti'a ra ei pure ia'u nei, e e pahonohia te reira na roto i te haamaitairaa i ni'a iho i to ratou ra mau upoo ».²

A haamana'o e, te mau parau poro'i ta tatou i faaroo a'e nei i roto i teie amuiraa, e nene'ihia te reira i roto i te ve'a no me o te *Ensign* e o te *Liabona*. Te faaitoito nei au ia outou ia tai'o i te mau parau poro'i, ia feruri hohonu i ta ratou mau haapiiraa, e ia faaohipa i te reira i roto i to tatou oraraa.

Ua ite au e, te apiti atoa mai nei outou ia'u no te faaite i te mauruuru i te mau taea'e e te mau tuahine o tei haamauruurua i roto i teie amuiraa. Ua tavini maitai ratou e ua hopoi mai i ta ratou tautururaa rahi i te ohipa a te Fatu. Ua rave hope maitai ratou i ta ratou ohipa. Te haamauruuru nei matou ia ratou mai roto roa mai i te hohonuraa o to matou mafatu.

I teie nei, ua paturu atoa a'e nei tatou, na roto i te afairaa i te rima i ni'a, i te mau taea'e e te mau tuahine tei piihia i roto i te mau ti'araa apî i roto i teie amuiraa. Te hinaaro nei matou ia ite ratou e, te tia'i nei matou i te taime e rave ai i te ohipa i piha'i iho ia ratou i roto i te ohipa a te Fatu.

E au mau taea'e e au mau tuahine, ia hi'o ana'e tatou i te ao e haati nei ia tatou, te ite nei tatou i te mau fifi rarahi no tatou nei. Mai te mea ra e, ua faatea e te ao nei ia'na i te vahi paruruhia e te hau.

Te farii noa, te viivii, te hoho'a faufau, te haavare e ua rau ana'e atu â te mau ino, ua riro ia ei tumu i tura'ira'ihia ai te mau taata e rave rahi i tera pae e tera pae i ni'a i te moana o te hara e i taorahia ai i ni'a i te a'au taratara o te ereraa i te mau rave'a, te mau haamaitairaa e te mau moemoea ite-ore-hia.

Ta'u a'o ia tatou paatoa maori râ, ia hi'o tatou i ni'a i te fare mori o te Fatu. Aita e rupehe me'ume'u, aita e po poi-ri ta'ota'o, aita e mata'i u'ana, aita e horo pahi mo'e, e ore e faaorahia e to'na hihi maramarama. E anaana mai oia i ni'a ia tatou i roto i te mau vero o te oraraa. E faatae mai fare mori o te Fatu i te mau tapa'o ohie ia itehia e eita roa'tu e hape.

E mea au roa na'u te mau parau e itehia i roto i te Salamo: « O Iehova tau papa, e tau pare, e tau ora, tau Atua, tau mato, tau e ti'aturi nei... E tiaoro vau ia Iehova... e ora ia vau i tau mau enemi ».³

Ua here te Fatu ia tatou, e au mau taea'e e au mau tuahine, e e haamaitai Oia ia tatou ia ti'aoro ana'e tatou Ia'na.

Aue to tatou mauruuru no te evanelia a Iesu Mesia i faaho'i-faahou-hia mai e no te mau maitai atoa ta'na i tuu mai i roto i to tatou oraraa. Ua ninii mai te Fatu i Ta'na mau haamaitairaa i ni'a ia tatou paatoa. Te faaite nei au i to'u ite-rraa papû ia outou e, e parau mau teie ohipa, te ora nei to tatou Faaora, e te arata'i nei Oia i Ta'na Ekalesia i ni'a i te fenua nei.

I teie taime, a tae ai tatou i te hopearaa o teie amuiraa, te horuhoru nei to'u aau e te oto hoi. Te faaite atu nei au i to'u here e to'u mauruuru ia outou. Mauruuru no ta outou mau pure no'u e no te mau Hui mana Faatere Rahi atoa o te Ekalesia. Te faaroo mai nei te Fatu i ta outou mau pure e te haamaitai mai nei Oia ia tatou e te arata'i nei Oia ia tatou i roto i te mau ohipa o To'na basileia i ni'a i te fenua nei. Te mauruuru roa nei tatou no te reira.

A faaru'e mai ai tatou i teie amuiraa, te ti'aoro nei au i te mau haamaitairaa o te ra'i ia tae mai i ni'a ia outou tata'itahi. A ho'i atu ai outou i to outou mau tiahapa ati a'e te ao nei, te pure nei au i to tatou Metua i te Ao ra ia haamaitai mai Oia ia outou e i to outou mau utuafare. E ti'a anei i te mau parau poro'i e te varua o teie amuiraa ia itehia i roto i te mau mea atoa ta outou e rave – i roto i to outou mau tiahapa, i roto i ta outou ohipa, i roto i ta outou mau putuputuraa, e i roto i to outou mau haereraa e te ho'iraa mai.

Ua here au ia outou. Te pure nei au no outou. Ia haamaitai mai te Atua ia outou. Ia vai mai To'na hau i fafauhia ra i ni'a ia outou i teie nei e i te mau taime atoa, na roto i te i'oa o Iesu Mesia ra, amene. ■

TE MAU NOTA

1. Maseli 3:5-6.
2. Te Parau Haapiiraa e te mau Parau Fafau 25:12.
3. Salamo 18:2-3.